



Publicaziuns dalla vischnaunca, jamna 48

Resultats dallas votaziuns communalas dils 28-11-2021

Diember dils votants	1489
Participaziun alla votaziun	67,9%

Zona per sport e temps liber al Crest d'Acletta, la cumpletaziun digl art. 12 ed in niev art. 38bis dalla lescha da baghegiar

Dau giu cedels	1011	
Cedels vits	12	
Cedels nunvaleivels	15	
Total cedels vits e nunvaleivels	27	
Cedels valeivels	984	
GIE	751	76%
NA	233	24%

Revisiun digl art. 74 (indrezs solars, implonts a vent, tievlas solaras) dalla lescha da baghegiar

Dau giu cedels	1004	
Cedels vits	15	
Cedels nunvaleivels	15	
Total cedels vits e nunvaleivels	30	
Cedels valeivels	974	
GIE	815	84%
NA	159	16%

Dretg da recuors

Sebasond sin art. 37 dalla lescha communalada davart ils dretgs politics sa vegnir recurriu encunter las votaziuns communalas dils **28 da november 2021** enteifer treis dis dapi ch'il motiv da recuors ei vegnius constataus, sil pli tard denton il tierz di suenter la publicaziun ufficiala dils resultats. Il recuors ei d'inoltrar alla suprastanza communalada.

Disentis/Mustér, ils 28 da november 2021

Damonda da baghegiar

2021-1084.000

Datum dalla publicaziun: ils 3 da december 2021

Il patron: Vischnaunca Disentis/Mustér, Via Cons 2, 7180 Disentis/Mustér
Il representant: ipz ingenieure und planer ag, Via Lucmagn 7, 7180 Disentis/Mustér
Object: Adattaziun dil trassé dalla loipa, parcelas 2882/2885, Turatscha/Sars, 7180 Disentis/Mustér

Protestas:

Ils plans da construcziun ein deponi tier l'administraziun communalada. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 3 da december 2021

Uffeci da baghegiar Disentis/Mustér



Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2021-1050.000

Marcel Moser, Haldenstrasse 47, 8422 Pfungen; construcziun d'ina casa dad ina famiglia cun garascha integrada, parcella 1090, Via Scantschala 1, 7183 Mumpé Medel.

Nr. 2021-1044.000

Ivo Monn-Bundi, Via Denterpraus 9, 7186 Segnas; sanaziun dil tetg e dallas fatschadas ed engrondaziun da duas portas, parcella 3388, Runtget, 7182 Cavardiras.

Nr. 2021-1070.000

Tanja e Christof Abächerli-Flepp, Rüslerstrasse 25, 5452 Oberrohrdorf; sanaziun dallas habitaziuns e purificaziun dil diember e dallas surfatschas dallas habitaziuns, parcella 856, Via Davos-Mustér 7, 7180 Disentis/Mustér.

Nr. 2021-1078.000

S. Steger SA, Via Plaun da Diras 8, 7180 Disentis/Mustér; procedura posteriura: midada da diever dalla surfatscha da habitar en surfatscha da biro, parcella 3028, Via Plaun da Diras 8, 7180 Disentis/Mustér.

Nr. 2021-1080.000

Corsin e Rita Huonder-Tenner, Via Clavaniev 1, 7180 Disentis/Mustér; sanaziun digl access en connex cun impediments, parcella 2288, Via Clavaniev 1, 7180 Disentis/Mustér.

Disentis/Mustér, ils 3 da december 2021

Uffeci da baghegiar Disentis/Mustér

Annunzias da baghegiar

All'istanza da baghegiar ein sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

2021-2105.000

Raffael Monn, Via Latis 3, 7180 Disentis/Mustér; construcziun d'ina annexa provisorica duront il temps d'unviern, parcella 1057, Via Raveras 33, 7180 Disentis/Mustér.

2021-2106.000

Bruno Tschuor-Dermon, Via Craiers 3, 7180 Disentis/Mustér; rinforzar il plantschiu, sanaziun dil tetg e nivelar il baghetg d'economia, parcella 3579, Cavardiras, 7182 Cavardiras.

2021-2107.000

Jutta Johanna Müller, In der Hub 1, 8057 Zürich; formaziun dil plaz da seser, parcella 577, Via Latis 4, 7180 Disentis/Mustér.

Disentis/Mustér, ils 3-12-2021

Uffeci da baghegiar Disentis/Mustér



Cussegl da vischnaunca

Il cussegl da vischnaunca seraduna **venderdis, ils 10 december 2021**, allas 19.15 en halla Cons.

Tractandas:

1. Protocol 8-2021/2024
2. Val Acletta: Sanaziun e renovaziun digl uor – Project e credit (messadi nr. 15-2021/2024)
3. Agenda 2022
4. Ura da damondas (conform ad art. 44 dil regulativ da fatschentas)
5. Elecziuns:
 - 5.1 dil president ni dalla presidenta dil cussegl da vischnaunca per 2022
 - 5.2 dil vicepresident ni dalla vicepresidente dil cussegl da vischnaunca per 2022

Il president dil cussegl da vischnaunca

Administraziun communal

Informaziun

Muort in arranschament da formaziun intern dil persunal resta l'administraziun communal serrada **mesjamna, ils 15 da december 2021**.

Bien engraziament per Vossa capientscha.

Direcziun communal

Temps d'unviern

Restricziuns da carrar e mesiras da segirtad Vias forestalas e funsilas

Duront igl unviern eis ei scumandau da carrar cun tuts vehichels sin las vias forestalas e funsilas. Quei scamond vala mintgamai naven digl emprend da december entochen la fin mars, respectivamein naven dil mument che las vias ein cuvretgas cun neiv. Fullar via (rumir vias) ei scumandau (art. 10 dil reglament da traffic).

Sendas da viandar d'unviern e sendas da gianellas

Las sendas da viandar d'unviern sco era las sendas da gianellas (marcadas rosa) vegnan pridas en funcziun e mantenidas naven digl 1. da december 2021 entochen miez d'avrel 2022. Il bandunar sendas da viandar d'unviern e rutas da gianellas signalisadas ni vias rumidas da neiv e tut semover ordeifer la zona da baghegiar succeda sin atgna responsabladad. Serradas da sendas, rutas e vias ein ligiontas per tuts e ston vegnir observadas (art. 6 e 10 dalla lescha davart l'organisaziun en cass da crisa). Naven dall'entschatta december vegn il stan actual davart l'avertura da sendas da viandar d'unviern e sendas da gianellas communicaus silla pagina d'internet www.disentis.ch/strassen.

Nus supplichein da prender enonuschientscha da questas directivas e giavischein in bi temps d'unviern. Bien engraziament per la capientscha ed observaziun.

Disentis/Mustér, ils 26 da november 2021

Direcziun communal Disentis/Mustér



Scaldaments mobils el liber Bulius da scaldar, radiaturs, radiaturs d'infratgietschen etc.

Sebasond sin art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunalad'energia ha il Departament da construcziun, traffic e selvicultura dil Grischun relaschau suandonta disposiziun:

1. Per mintga apparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau ina tonna CO². Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO² e per apparats cun ina prestaziun da scaldar maximala da sur 28 kW sto vegnir cumpensau treis tonnas CO² e.a.v. Silmeins 20% dall'immissiun CO² sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.

2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai in onn naven digl 1. Da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.

3. La cumpensaziun dall'immissiun da CO² succeda entras il possessur ni entras la vischnaunca.

4. Sch'ils possessurs cumpenseschan sezs l'immissiun da CO², vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO² (p.ex. Myclimate). Per apparats da scaldar electrici sa l'obligaziun da cumpensar l'immissiun da CO² era vegnir ademplida, sch'ei vegn applicau – per mintga tonna CO² che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.

5. Sch'ils possessurs cumpenseschan buca sezs l'immissiun da CO², ston els cumprar tier la vischnaunca ina vignetta per mintga tonna CO² che sto vegnir cumpensada. Il prezi per vignetta importa **frs. 60.–**.

6. Las vischnauncas impundan igl entir recav dalla vendita da vignettas per cumpensar l'immissiun da CO². Igl uffeci d'energia e traffic metta a disposiziun in agid d'execuziun per las vischnauncas. 7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas tier l'administraziun communal.

Disentis/Mustér, ils 17 da settember 2021

Administraziun communal



Pigniel da Nadal 2021

Il menaschi tecnic dalla vischnaunca da Mustér organisescha uonn la vendita da pigneuls da Nadal. Ei vegn vendiu pignola mo sin empustaziun. Il pigniel sa vegnir retratgs ils 22 da december 2021 naven dallas 9.00–14.00 avon il luvratori dil menaschi tecnic a Cuoz. Sin giavisch e per in prezi surpli da frs. 5.– vegn il pigniel era furnius avon casa. Il pigniel sa vegnir empustaus cul talun aschuntau **entochen ils 10 da december 2021:**

Adressa:

Uffeci forestal Disentis/Mustér

Caum postal 57, 7180 Disentis/Mustér

telefon: 081 920 36 36

e-mail: uflepp@disentis.ch

Bien engraziament



Talun d'empustaziun

Num:.....

Prenum:.....

Adressa:.....

Telefon:.....

Pégn (Rottanne)

1.10–1.50 m / frs. 26.– tocs

1.60–2.00 m / frs. 29.– tocs

2.10–2.50 m / frs. 33.– tocs

Pégn da Nordmann

1.10–1.50 m / frs. 41.– tocs

1.60–2.00 m / frs. 56.– tocs

2.10–2.50 m / frs. 78.– tocs

Pinar sez il pigniel da Nadal!

Igl uffeci forestal dat era uonn la pusseivladad a mintga habitont ni hosp da Mustér dad ir egl uaul a pinar gratuitamein il pigniel da Nadal giavischau. Il selvicultur communal accumpogna ils interessai e dat in ni l'auter cussegl. Nus s'entupei cun resti cauld, buns calzers ed in resgiut:

gievgia, ils 23 da december 2021, allas 9.30 Il liug da sentupada vegn publicaus quater dis avon sut www.disentis.ch/uaul

Tagliar pignola en uauls da schurmetg, plontaziuns sco era ord seivs da schurmetg ei scumandau! Per sclariment stat il selvicultur Simon Cathomen bugen a disposiziun.

Uffeci forestal Disentis/Mustér



Nominaziuns pil Premi Desertina 2022

Nus envidein vischinas e vischins sco era uniuns ed instituziuns d'inoltrar propostas per nominaziuns e d'indicar quellas entochen **gliendisdis, ils 20 da december 2021**, alla presidenta dalla cumissiun, geraua Iris Lombris, Via Dulezi 6, 7180 Disentis/Mustér. Las propostas san era vegnir annunziadas via posta electronica all'adressa: educaziun@disentis.ch. Premiai vegnan persunas privatas sco era instituziuns ed organisaziuns. Ils undrai ston esser domiciliari en vischnaunca ni haver ina relaziun speciala cun la vischnaunca. Ulteriurs sclariments sur dil Premi Desertina anfleis Vus sut: www.disentis.ch/sport/temps_liber/culturani_servis/spurtegl_virtual/leschas/300_reglament_Premi_Desertina.

Cumissiun Premi Desertina

Seivs mobilas per la pasculaziun

Tenor art. 75, al. 1 dalla lescha da baghegiar ed art. 18 al. 1 dalla lescha d'agricultura ston tuttas seivs mobilas vegnir allontanadas **sil pli tard treis dis** suenter la pasculaziun. Quei vala era per seivs da gatter. Las seivs buc allontanadas vegnan pridadas naven senza avisar ils pertuccai sin donn e cuost dil proprietari da terren.

Nus supplichein da prender enconuschientscha da quei fatg e d'instradar las mesiras prescettas.

Disentis/Mustér, november 2021

Uffeci da baghegiar ed infrastruttura

Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinonza ni la segirtad publica.

Per liung dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu).

Quellas lavurs ston esser finidas sil pli tard entochen la **fin da november 2021**. En cass che las caglias e plontas vegnan buca tagliadas anavos enteifer il termin fixau, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietaris.

Disentis/Mustér, november 2021

Uffeci da baghegiar ed infrastruttura Disentis/Mustér

Niev moloc a Pardomat

Naven da **venderdis, ils 3 da december 2021**, stat a Pardomat, Punt Madernal, a disposiziun il niv moloc pils rumians da casa. Cheutras vegn il liug da rimnada alla Punt Gronda sligiaus.

Bien engraziament per l'enconuschientscha.

Uffeci da baghegiar



Finiastras d'Advent 2021 a Segnas/Cuoz

Cun plascher astgein nus presentar nossas finiastras d'Advent a Segnas e Cuoz. Tier la scola a Segnas penda ina carta cun indicau, nua che las finiastras sesanflan. Quella carta ei era publicada sin la pagina d'internet dalla vischnaunca da Mustér (sut «actualitads»). Las finiastras ein mintgamai marcadadas cun ina steila. In grond engraziell fetg admettein a tuts e tutas che han priu peda da preparar ina finiastra d'Advent.

Suandontas finiastras arvan dumengia, ils 28 da november 2021:

- Stefi Albrecht
- Claudia Berther
- Pierino Bisquolm
- Darinka Cajacob
- Barbara Candinas
- Judith Cathomen
- Rosmarie Duff*)
- Sonja Durschei
- Carla Flury e Daniela Deflorin (Val da Cuoz)
- Rosmarie Fry
- Regina Giger
- Hof Glaretsch
- Nelly Huonder
- Bettina Jacomet
- Helen Lutz
- Toja Maissen Berther
- Christina Monn
- Nadja Schmed
- Isabel Sialm

*) Pign stan da vendita sper la finiastra d'Advent. Il recav va cumpleinamein en favur dalla Unicef per affons en Brasilia («Sternenwochen»).

Nus giavischein a tuts visitaders bia plascher da contemplar nossas finiastras ed a tuts in bi temps d'Advent.

Salids Helen e Judith

Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischnun. Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziell per Vies sustegn!

Vos Pumpiers Sursassiala



Apparat d'udida

Gliendisdis, ils 6 da december 2021 saveis Vus schar schubergiar e rugalar Vies aparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Dunna Giger dalla firma Amplifon e signur Gfeller dalla firma sorprendan communablamein quei survetsch gratuit per tuts interessents.

Ei drova negina annunzia.

Seniora-Ca

L'actividad ferma dil virus sforza Seniora-Ca da far pausa tochen l'auter onn. Restei da buna fei, en special da buna sanadad. Bi Advent, ventireivel Nadal ed in bien onn 2022.

Post d'informaziun Seniora-Ca
